



ISUMAQATIGIISSUT

SULINERMIK INUUSSUTISSARSIUTEQARTUT
KATTUFFIAT (SIK)

AAMMA

NUUK IMEQ A/S

2023 -2024

Imarisai

§ 1 - Isumaqtigiisummi pineqarput.	4
§ 2 - Atorfinitsitaaneq.....	4
2A - Najoqqutassiat.	4
§ 3 - Piffissaq suliffiusoq.	5
§ 4 - Akissarsiat.	6
§ 5 - Ukiut suliffiit malillugit akissarsianut tapit.....	6
§ 5A - Inuttut namminermut tapisiat.....	7
§ 6 - Immikkut tapisiat.	7
§ 7 - Qaangiuttoorneq.	7
§ 8 - Aalaakkaasumik suliartortarnermi bonusisiaqartitsisarnermik aaqqiineq.	9
§ 9 - Angalanerit, angalanerni akissarsiat aamma angalanermi aningaasartuutit.....	9
§ 10 - Piffissami nikerartumi sulineq aamma nikittarluni suliartortarneq.....	9
§ 11 - Akissarsiat tunniunneqartarnerat.....	9
§ 12 - Sapaatini nalliuttunilu ulluinnartigoortuni aamma nalliuttuni aningaasarsiat.	10
§ 13 - Sulinngiffeqarneq (feeria).	11
§ 14 - Sillimmasiinnermut tunngasut.....	11
§ 15 - Toqusoqartillugu.....	11
§ 16 - Soraarniuteqarnermi/soraarsitsinermi siumut ilimasaarinissat.	12
§ 17 - Napparsimaneq.	13
§ 18 - Naartuneq, erninermi sulinngiffeqarneq aamma meeravissiartaarneq.	14
§ 19 - Meeqqap napparsimanerani sulinngiffeqarneq.	14
§ 20 - Sulinngiffeqarnerit immikkut ittut allat.	15
§ 21 - Qinikkatut pisortanillu toqqakkatut suliassaqartitaaneq.	16
§ 22 - Soraarnerussutisiassanut akiliutissat taakkulu akilerneqartarnerat.....	17
§ 23 - Aningaasaateqarfiit.....	18
Qaammarsaanermut Ilinniartitaanermullu Aningaasaateqarfik	
Sulinngiffeqarnermi Angalanissamut Aningaasaateqarfik	
Isumaginninnermut Aningaasaateqarfik	
§ 24 - Suliffimmit sulinngiffeqarallartarneq.....	18

§ 25 - Atisat sullisit aamma isumannaallisaanermut atortut.	18
§ 26 - Sulisut ataatsimiittarnerat.	19
§ 27 - Isumaqatigiinngissutit kinaassusersiortumillu soraarsitsinerit.	19
§ 28 - Isumaqatigiissutit nalinginnaasut aamma protokollatit.	19
§ 29 - Piffissaq isumaqatigiissutip atuutilerfia atorunnaarsinneqarnissaalu.	20

§ 1 - Isumaqatigiisummi pineqarput.

Isumaqatigiisummi matumani pineqarput sulisut tamarmik nal. akunnermusiallat Nuuk Imeq A/S-imi atorfeqartut.

Imm. 2. Sulisoq isumaqatigiisummi ilaatinneqarnersoq arlaatigut nalornissutigineqarpat apeqquut isumaqatigiissuteqartunit aalajangiiffigineqassaaq.

§ 2 - Atorfinitsitaaneq.

Sulisut sinniisuata peqataaffigisaanik atorfinitsitsinerit isumaqatigiissut naapertorlugu pisassapput.

2A - Najoqqutassiat.

Sulisut pisussaaffigaat, pisariaqartumik iltersorneqareernikkut, Nuuk Imeq A/S-imi sulisunut piumasaqaatinut, pisinnaatitaaffinnut aamma pisussaaffinnut tamanut malittarisassat tulluartut paasissallugit. Malittarisassat taakku Nuuk Imeq A/S-ip pitsaassutsip aqunneqarneranut atortuani nassuiaassutigineqarput massakkullu makkuninnga ilaqarlutik:

- 901.002 Pitsaassutsimut- nerisassat - aamma atavatangiisit pillugit politikki.
- 901.003 Nuuk Imeq A/S-imi oqaatsit pillugit politikki.
- 901.004 Atorfinitsitaanermut aamma sulisussarsionermut politikki.
- 901.005 Sulisoqarnermut politikki – Sulisut ilisimatinneqartarnerat.
- 901.008 Inatsisinut aamma oqartussaasunullu tunngatillugu pissutsit.
- 901.009 Pisiniartarnermut politikki.
- 901.010 Akisussaassuseqarneq aamma pissuserissaarnissamut malittarisassat, Code of conduct.
- 901.011 Suliffiup iluani aamma avataani attaveqaaqatigiinneq.
- 901.012 IT-mut Politikki, IT-mi Isumannaatsuunissamut politikki kiisalu IT

- pillugu malittarisassat.
- 901.020 Angalanermut politikki.
 - 901.021 Ilasseqatigiittarneq, Tunissutit, Akiliilluni Peqquserlunneq – Politikki.
 - 901.022 Ullorsiornermik malunnartitsineq aamma taakkunanga nalliuttorsioritsineq – Politikki.
 - 901.023 Isertuussisarnissamut politikki aamma paasissutissiisarnissamut pisussaaffimmut politikki.
 - 901.024 Suleqatinik suleqateqarluarnissamut ileqqorissaarnissamut malittarisassat (Qinngasaarinninnissamut politikki).
 - 901.025 Kantiina aamma Nerisassat – Ilisimatitsissut.
 - 901.030 Sillimmasiinermt politikki 2014.
 - 901.269 Imigassanut aalakoornartortalinnut aamma aanngajaarniutitut politikki.

§ 3 - Piffissaq suliffiusoq.

Piffissaq nalinginnaasumik suliffiusoq nal. akunneri 40-upput piffissami ulluni arfineq marlunni. Piffissaq suliffiusoq tassa, allamik isumaqatigiissuteqartoqarsimangippat, sapaatit akunnerisa ulluini siullerni tallimani:

- nal. 06.00-ip aamma nal. 17.00-ip akornanni aamma
- arfininngornerni nal. 06.00-ip aamma nal. 13.00-ip akornanni.

Isernermi aamma aninermi naqitsineq pisassaaq suliffeqarfiup tamatumunnga malittarisassai malillugit.

Piffissaq ulluinnarni suliffiusoq qanoq inissisimassanersoq suliffeqarfimmit aaliangiiffiqineqartassaaq sulisunik aamma sulisut sinniisuannik eqqartueqatigereernikkut, aamma suliffeqarfiup soqutigisai mianerinerisigut.

SIK aqqiagiinngissutit suliarineqartarnerat pillugu isumaqatigiissut tunngavigalugu assuarliuteqarsinnaatitaavoq isumaqartoqarpat ulluinnarni piffissap suliffiusup inissisimanissaa pillugu

sulisut kissaataat isiginiarneqarsimangitsut aamma sulinngiffeqartarnissamut aqqissuussinerit pillugit suliffeqarfimmut pitsaanerusussatut naammaginartumik tunngavilersuutigineqarsinnaangitsutut isigineqarpata.

Imm. 2. Ullormut piffissaq suliffiusoq aggulunneqarsinnaangilaq.

Imm. 3. Ullormut piffissap suliffiusussap iluani sulinngitsoornerit pineqartup akissarsianit piffissap sulinngitsoornerup sivoqataa ilanngaaticineqartassapput. Nalunaaquttap akunnera sulinngitsoorfik nalilerneqassaaq sulisup nal. akunnermusiaata angeqataanik tapisiarinunagai ilanngullugit.

Nal. akunnerata qeqqa tikillugu sulinngitsoorneq akunnerup qeqqatut naatsorsorneqassaaq.

Imm. 4. Ullormut piffissap suliffiusup iluani ilaatinneqarput akilerneqartumik ullup qeqqasiorneq imaluunniit ullup qeqqani unillatsiarneq 30 minutsinik sivisussuseqartoq aamma kaffisorluni ataasiarluni unillatsiartarneq 15 minutsinik sivisussuseqartoq.

§ 4 - Akissarsiat.

Akissarsiat persaqusersorneqarnermi aamma nalinginnaasumik pikkorissutsimut tapisiat ilanngullugit.	1.apriili 2023-miit Nal. akunneranut
Sulileqqaarnermi akissarsiaq	125,00 kr.-it

§ 5 - Ukiut suliffiit malillugit akissarsianut tapit.

Ukiut suliffiit malillugit akissarsianut § 4-mi nal. akunnermusiamut tapisiaqartitsisoqarpoq imatut:

	1.apriili 2023-miit Nal. akunneranut
Ukioq ataaseq suliffeqareernermi	138,00 kr.-it.
Ukiut marlut suliffeqareernermi	141,00 kr.-it.
Ukiut tallimat suliffeqareernermi	144,00 kr.-it.

Imm. 2. Sulisut siornatigut Nuuk Imeq A/S-imi sulisooreersimasut aamma ukiup ataatsip ilua-ni atorfeqaleqqittut, ukiut suliffiit malillugit akissarsiat qaffakkiartortarnermut katersukkatit pigiinnassavaat.

§ 5A - Inuttut namminermt tapisiat.

Sulisut 1. april 2023-mi ataasiakkaanut tapisiallit nammineq tapisiatut suliunnaarnissap tungaanut tapisariinnassavaat.

§ 6 - Immikkut tapisiat.

Assaat atorlugit karsinik puiaasanik imaqanngitsunik palletsinit piaanermi nal. akunneranut kr. 30,00 tapisiaqartitsisoqassaaq.

§ 7 - Qaangiuttoorneq.

Piffissaq suliffiisoq nalinginnaasoq tak. § 3, imm. 1, qaangerlugu qaangiuttoornermi qaangiuttoornermut nal. akunneranut akissarsiamut tapisiaqartitsisoqassaaq tassunga ilanngullugu ukiut suliffiit malillugit akissarsianut tapi tulliuuttumi annertussuseqartunik:

Nal. akunnermut qaangiuttoorfiusumut siullermut aamma tullermut..... 50 %.

Nal. akunnerisa pingajuannut aamma nal. akunnerinut tulliuttunut ullormut nal. akunne-ri arfineq-pingasut qaangerlugit kiisalu sapaatini nalliuttunilu qaangiuttoornermut..... 100 %.

Qaangiuttoornermut tapisiaq aatsaat akilerneqassaaq sapaatit akunneranni akissarsiffiusumi piffissaq suliffiusoq tamakkerlugu suliffioreersimappat. Qaangiuttoornermut akiliuteqartoqassaaq nal. akunnera aallartittoq affakkaarlugit.

Imm. 2. Sulinnginnerit suliffimmut nalunaarutigineqartut makkuninnga pissuteqartut napparsimanermik, meeqqap napparsimaneranik ullormik siullermik, meeqqap napparsimaneranik ullup aappaanik, feeriarnermik aamma qanigisap ilisaaneramik, taakku sumiginnaanertut isigineqanngillat sulilluni qaangiuttoornerisaaqarnissaq sioqqullugu piffissamut suliffiusumut naatsorsuinissamut tunngavigineqartussamut.

Imm. 3. Sulilluni qaangiuttoorneq ilimasaarutigineqassaaq ullormi tassani kingusinnerpaamik nal. 12.00.

Imm. 4. Paarlagaalluni sulinermi unnukkut sulilluni qaangiuttoorneq ilimasaarutigineqassaaq ikinnerpaamik nal. tallimat sioqqullugit.

Imm. 5. Ilimasaarinngitsoortoqarpat qaangiuttoornerit piviusut saniatigut sulilluni qaangiuttoornermut immikkut nal. akunneranut akissarsiaqartitsisoqassaaq.

Imm. 6. Sulisoq piffissap suliffiusup nalinginnaasup avataatigut suliartoqquneqarpat ikinnerpaamik nal. akunnerinut sisamanut akissarsiaqartitsisoqassaaq.

§ 8 - Aalaakkaasumik suliertortarnermi bonusisiaqartitsisarnermik aaqqiineq.

Aalaakkaasumik suliertortarnermi ullut 14-ikkaarlugit bonusisiaqartitsisoqassaaq 216 kr./Sap. akunneranut annertussusilimmik. Bonusisiassat naatsorsorneqartassapput aamma aningaasarsiatut akileraarutaasussaasutut tunniunneqartassapput ullut 14-ikkaarlugit akissarsisitsisarnermi naatsillugit.

§ 9 - Angalanerit, angalanerit akissarsiat aamma angalanermit aningaasartuutit.

Angalaneq aamma angalanerup nalaani aningaasartuutit Nuup Imeq A/S-imi sukkulluunniit angalanermit politikki malillugu ingerlanneqassapput (901.020).

§ 10 - Piffissami nikerartumi sulineq aamma nikittarluni suliertortarneq.

Piffissaq suliffiusoq § 3-mi taaneqartut akornisa avataaniittoq, imaluunniit nikittarluni suliertortarnermi sulinermit, nal. 17.00-ip aamma nal. 23.00-ip, kiisalu nal. 23.00-ip aamma nal. 06.00-ip akornanni piffissamut suliffiusumut tapisiaqartitsisoqassaaq nal. akunneranut 7,00 kr.-nik aamma 10,00 kr.-inik.

Imm. 2. Qaangiuttoornermit aamma piffissami nikittarluni suliertortarluni sulinermit qaangiuttoornermit tapisiaqartitsisoqassaaq § 7 tunngavigalugu.

§ 11 - Akissarsiat tunniunneqartarnerat.

Akissarsiaqartitsisoqartassaaq tallimangornerit allattorlugit piffissami akissarsiaqarfiusumi ullunik 14-inik sivisussuseqartumi. Piffissaq akissarsiaqarfiusoq naatsorsorneqartassalluni ataasinngornermit sap. akunnerata tulliani sapaammut ullut taakkua ilanngullugit. Akissarsiat tunniunneqarnissaat nalliuttumi pissappat ulluinnarmi taassuma siuliani kingullermit tunniunneqassapput.

Imm. 2. Akissarsiasanik siummoortitsisoqartanngilaq.

§ 12 - Sapaatini nalliuttunilu ulluinnartigoortuni aamma nalliuttuni aningaasarsiat.

Atorfininnermiit sulisoq sapaatini nalliuttunilu ulluinnartigoortuni aningaasarsiaqartinneqassaaq. Sapaatini nalliuttunilu ulluinnartigoortuni aningaasarsiaqarnissaq anguneqassappat aammattaaq piunasaqaataavoq nalliuttoq ulluinnartigoortoq sioqqullugu kinguninnguatigullu sulisup ulloq tamakkerlugu sulisimanissaa, napparsimaneq imaluunniit allamik unioq-qutitsisuunngitsumik patsiseqartumik sulinngitsoortoqanngippat.

Imm. 2. Ullutut nalliuttutut isigineqarput ilagiit Lutherikkut nalliuttui, ullut taakku sapaammi pinngikkaangata.

- a) Ukiortaaq, 1. Januaari,
- b) Kunngit pingasut ulluat 6. januaari (nal. 12-imit),<sup>[L]
[SEP]</sup>
- c) Sisamanngorneq illernartoq,
- d) Tallimanngorneq tannaartoq,
- e) Poorski aamma Poorskip aappaa,
- f) Sulisartut nunani tamalaani ulluat 1. maaji ,
- g) Tussiarfissuaq,
- h) Qilaliarfik,
- i) Piinsip ullua aamma Piinsip aappaa,
- j) Inuiattut ullorsiorfik, 21. juuni,<sup>[L]
[SEP]</sup>
- k) Juulliaraq, 24. decembari,
- l) Juullip ullua, 25. decembari,
- m) Juullip aappaa, 26. decembari
- n) Ukiutoqaaq, 31. Decembari.

Imm. 3. Nalliuttumi ulluinnartigoortumi aningaasarsiaq nalliuttumut ulluinnartigoortumut ataatsimut 300 kr., taamaattorli kunngit pingasut ulluanni 175 kr.

Imm. 4. Nalliuttuni ulluinnartigoortuni sulisoqarpat sulisoq akissarsiaqartinneqassaaq isumaqatigiissut tunngavigalugu akissarsiassat qaavatigut nalliuttunut ulluinnartigoortunut ulluni taakkunani sulinermut akissarsiassatut piunasaqaatini aalajangersakkat malillugit.

§ 13 - Sulingiffeqarnej.

Inatsisartut feeriartarnej pillugu inatsisaat sukkulluunniit atuuttoq innersuussutigineqarpoq.

Imm. 2. Taamaallaat ilaatinneqanngitsutut akissarsiarisimasat 12,5 %-iinik feeriarnersiuteqar-titsisoqarnissaa.

§ 14 - Sillimmasiinermut tunngasut.

Nuuk Imeq A/S-imi sulisut sukkulluunniit atuuttumit inatsimmut sullivimmi ajoqusernermut sillimmasiinermut ilaatinneqarput.

§ 15 - Toqusoaqartillugu.

Sulisartoq atorfeqarnermi nalaani toqusimappat katissimallugu aappaanut imaluunniit qitor-naanut 18 inorlugit ukiulinnut qimagaasunut toqusup pilersugassarisimasaanut, sulisartoq Nuuk Imeq-mi atorfeqarsimappat:

ullut 14-ikkaarlugit akissarsiai 2-nik, 6-inik aamma 10-nik piffissanik akissarsiaqarfiussaaq.

Ukioq ataaseq: 2-nik ullut 14-ikkaarlugit akissarsiai.

Ukiut marlut: 6-inik ullut 14-ikkaarlugit akissarsiai.

Ukiut 3 taakkunangaluunniit amerlanerusut: 10-inik ullut 14-ikkaarlugit akissarsiai.

§ 16 - Soraarniteqarnermi/soraarsitsinermi siumut ilimasaarinissat.

Qaammammi siullermi suliffeqarnermi sulisitsisoq imaluunniit sulisartuq pisussaataaangillat suliffeqarnerup taamaatinneqarnissaanut atasumik ilisimatitsissuteqarnissamut. Tamatuma kingornatigut sulisunut ataannartumik suliffeqarsimasunut ilimasaarutit tulliuttuut atuupput:

	Sulisitsumit	Sulisartumit
Ukioq siulleq (qaammamat siulleq pinnagu)	Sap. akun. 2-t	Ullut 3-t
Ukiut marlut	Sap. akun. 4-t	Sap. akun. 1-t
Taassumap kingorna	Sap. akun. 5-t	Sap. akun. 1-t

Taamaattorli atorfeqarallartunut soraarsitsinissamut sulisitsisumit ilisimasaarut sap. ak. 2-t.

Imm. 2. Napparsimaneq sulinerup aallartinnerani imaluunniit kingusinnerpaamik nal. akunnerisa marluk qaangiunneranni suliffeqarfimmut nalunaarutigineqartoq unitsitsinertut naatsorsuutigineqanngilaq.

Imm. 3. Nalunaarutigineqanngitsumik suliartunngitsoornermi kiisalu aalaakkaasumiunngitsoq suliartortarnermi allakkatigut mianersoqqussut tunniunneqassaaq, tamatuma kingornatigut qulaani taaneqartut soraarsitsinissamut ilisimasaarutit atorunnaarsinneqassapput. Nalunaarutigineqanngitsumik suliartunngitsoorneq imatut paasineqassaaq suliffimmut suliartunngitsoorneq piffissap suliffiusup aallartinnerani imaluunniit kingusinnerpaamik nal. akunnerisa marluk qaangiunneranni suliffeqarfimmut nalunaarutigineqarsimannngitsut.

Imm. 4. Mianersoqqussutit ukiumik ataatsimik atuuffeqarput.

Imm. 5. Tamakku saniatigut nalinginnaasumik atorfininnermi isumaqatigiissutinut innersuusuteqartoq § 2-mi malittarisassanut taaneqartunut.

§ 17 - Napparsimaneq.

Sulinermik inuussutissarsiuteqartoq napparsimaneq pissutigalugu suliaminik ingerlatsisinaanngitsoq tamanna pissutigalugu suliarunngitsoornera akuerineqarluni sulinngitsoornertut isigineqassaaq suliffimmi imaanngippat pineqartoq piaarluni napparsimalersimanngippat imaluunniit annertuumik sumiginnaanikkut imaluunniit atorfininnermi peqquserlunnikkut nappaammik pineqartumik nipangiussisimanikkut.

Imm. 2. Nappaatigineqartup uppersarsarneqarnissaanut sulisitsisoq nakorsamit allagartamit piumasaqaateqarsinnaavoq. Nakorsamit allagartamik pissarsinermi aningaasartuut sulisitsisumit akilerneqassaaq.

Imm. 3. Nal. akunnermusialinnut, sulinermik inuussutissarsiuteqartut piffissaq tamakkerlugu atorfilinnut, isumaqatigiisummit pineqartut napparsimaneranni ullormusiaqartinneqassapput napparsimalernej ikinnerpaamik ullunik 30-nik sioqqullugu ataavartumik atorfeqarsimappat.

Imm. 4. Napparsimanersiuteqartitsisoqassaaq ullormit siullermit sulisinnaanngiffimmiit. sap. akunnerannut ullunut tallimanut napparsimanersiuteqartitsisoqassaaq, taamaattorli nalliuttut pinnagit. Napparsimanersiutit amerlanerpaamik sap. akunnerinut 26-nut tunniunneqarsinnaapput qaammatit ataannartut aqqaneq-marluk iluanni. Sulisinnaanngissuseqarneq sulinermi ajutoornermik patsiseqarpat suli sap. akunnerini 13-ini napparsimanersiuteqartitsisoqarsinnaavoq.

Imm. 5. Napparsimanersiuteqartitsineq ullormi sulinermik inuussutissarsiuteqartup sulisinnaalerfiani atorunnaarsinneqassaaq. Sulinermilli inuussutissarsiuteqartoq suleqqissinnaalererata kingornatigut napparsimanersiuteqartitsisoqaannassaaq sulinermik inuussutissarsiuteqartup suliffiata najugaqarfiata avataani sulinermik inuussutissarsiuteqartoq nappaammik katsorsartinnera ingerlanneqarpat, pineqartorlu suliffigisaminut uterluni sulilernissaanut pilertornerpaamik angalanissaata tungaanut.

Imm. 6. Napparsimanerup nalaani soraarsitsinermi soraarnissamut piffissap iluani napparsimangersiutitik pisartagaqartitsinissamut pisinnaatitaaffik atuutiinnassaaq.

Imm. 7. Napparsimangersiutit 110 kr.-iupput akilerneqassallutillu piffissamut akissarsiffiusumut ilanngullugit, SIK-mullu akiliussigallartoqassanngilaq.

Imm. 8. Atornerluisoqartillugu aaqquissuussineq sulinermit inuussutissarsiuteqartunut ataa-siakkaanut atorunnaarsinneqarsinnaavoq.

§ 18 - Naartuneq, erninermi sulinngiffeqarneq aamma meeravissartaarneq.

Erninermit atatillugu, Inatsisartut inatsisaat: Naartunermut, erninermi sulinngiffeqarnermut aamma meeravissartaarnermut, sukulluunniit atuuttoq malillugu sulisartoq pisinnaatitaavoq tamakkiisumik akissarsiani pigiinnarlugit sulinngiffqarsinnaatitaavoq.

§ 19 - Meeqqap napparsimanerani sulinngiffeqarneq.

Ullut 30-t ataannartumik atorfeqarsimagaanni sulinermit inuussutissarsiuteqartoq akissarsiaminik annasaqarani sulinngiffeqarsinnaatitaavoq meeqqap nukangasup napparsimanerani ulluni siullerni marlunni paarineqarnissaanut periarfissap aaqqiiffiginissaata tungaanut. Tamatumani saniatigut sulinermit inuussutissarsiuteqartoq sulinngiffeqarsinnaatitaavoq ullut suliffiusut aqqaneq marluk tikillugit meeqqap 0-13-inik ukiullip illoqarfimmi najugaqarfigisami aamma avataani napparsimavimmut innartinneqarneranut atatillugu kiisalu napparsimavimmut tassanngaanniillu angalanermit meeqqamut ingiallortaanermit peqqinnissaqarfimmit akilerneqartumut atatillugu imaluunniit nakorsamit uppersarneqartumut angerlarsimaffimmi unin-ngatinneqarnermit atatillugu.

Imm. 2. Meeqqat napparsimanerani ullormut siullermut aamma ullut aappaannut atatillugu makku piumasaqaataapput:

- a) Ulloq tassaappat meeqqap napparsimaffia siulleq aappaalu
- b) Meeraq amerlanerpaanik 13-inik ukioqarpat
- c) Meeraq angerlarsimaffimmi najugaqarpat

Imm. 3. Sulinggiffeqarneq meeqqap napparsimavimmut unitsinneqarneranut atatillugu aamma tassunga atatillugu angalanermi ingiallortaanermut piunasaqaataapput sulisitsisumut tamatuma uppersarneqarnissaa.

Imm. 4. Immikkut illuinnartumik pissutissaqartillugu nakorsamillu uppersarneqarpat sulinggiffeqarneq sivitsorneqarsinnaavoq ullut 5-t tikillugit.

Imm. 5. Aaqqissuussineq atornerluinermi sulisunut ataasiakkaanut atortussaajunnaarsinneqarsinnaavoq. Nakorsamit allagartaq piunaneqarsinnaavoq. Nakorsamit allagartaq piunaneqartoq sulisitsisumit akilerneqassaaq.

Imm. 6. Sulisup sulileqqaarnermi akissarsiat x 8 ullormi tassani aningaasarsissutigissavai.

§ 20 - Sulinggiffeqarnerit immikkut ittut allat.

Ilaquttat qanigisat perulullutik napparsimatillugit, toqukkut qimagunneranni imaluunniit ilisaaneranni sulisoq sivikinnerpaamik ukiumi ataatsimi atasuinnarmik atorfeqarsimasoq, pisinnaatitaavoq ulluni suliffiusuni arfineq-pingasuni akissarsiani pigiinnarlugit sulinggiffeqarnisaminut. Sulinggiffeqarnissamut qinnuteqaat sulisitsisumut allaganngorlugu tunniunneqassaaq.

Imm. 2. Ilaquttat qanigisat tassaapput: angajoqqaat, katissimallugit aapparisaq taamaattutullu naatsorsuussat, qitornat qatanngutillu, kisianni katissimallugit aapparisaq taamaattutullu naatsorsuussat ilaqtai pinnagit.

Imm. 3. Sulisup ilaquataasa qanigisaasa akornanni napparsimallutik peruluttoqartillugu, tak. imm. 2, sulisoq sumiiffimmi suliffigisaanit perululluni napparsimasup Kalaallit Nunaanni ima-

luunniit Danmarkimi sumiiffianut imaluunniit toqusimasup najugaqarfigisimasaanut akiliun-
neqarluni angalatinneqassaaq, sivikinnerpaamik ukiumi ataatsimi atasuinnarmik atorfeqa-
reersimanerup kingorna. Sulinggiffeqarnissamut qinnuteqaat sulisitsisumut allaganngorlugu
tunniunneqassaaq.

Imm. 4. Sulinggiffeqarnerup nalaani, imm. 1 aamma 2 tunngavigalugit. akissarsiat naatsorsor-
neqassapput pineqartup nalinginnaasumik piffissap suliffia aamma nalinginnaasumik nal.
akunneranut akissarsiarisai tunngavigalugit.

Imm. 5. Sulinermik inuussutissarsiuteqartut SIK-p immikkoortortaarfiani siulersuisunut ima-
luunniit SIK-p siulersuisuunerinut imaluunniit SIK-p Inuusuttaasa siulersuisuunerinut
ilaasortaasut sulisartoqarnermut atatillugu suliaqarnerminnut akissarsiaqarnatik sulinggiffe-
qarnissartik kissaatigippassuk, taamatut kissaateqarnerat akuerineqartariaqarpoq. Sulinggif-
feqarneq taamatut ittoq ukiut ataaseq tikillugu ukiut ataasiakkaarlugit akuersissutigine-
qartassapput.

Imm. 6. Sulinermik inuussutissarsiuteqartunut SIK-mi siulersuisuunerit aamma SIK-p Inuu-
suttaani siulersuisuunerit, Soraarnerussutisiaqalernissamut Aningaasaateqarfimmi SISA-mi
siulersuisut sulinggiffeqartinneqassapput siulersuisuunerit ataatsimiinnerini SIK-p Ataatsi-
meersuarnerani aamma Nakkutilliisoqarfimmut peqataanermut atatillugu.

Imm. 7. Sulisunut ukioq ataaseq sinnerlugu sulereersimasunut ukiumut ullunik marlunnik
paarinniffinnik pissarsiaqartitsisoqassaaq. Ulloq paarinniffiususaaq aalajangerneqassaaq
suliffeqarfiup aamma sulisup kissaateqarnera mianeralugit.

§ 21 - Qinikkatut pisortanillu toqqakkatut suliassaqaartitaaneq.

Sulinermik inuussutissarsiuteqartunut pisariaqartitsineq naapertorlugu akissarsiaqaatiginagu
sulinggiffeqartitsisoqassaaq suliassaqaartitaanerit makku isumaginissaannut:

- a) Inatsisartuni ilaasortatut,
- b) Kommunalbestyrelsimi ilaasortatut,

- c) Ilagiit sinniisaanni ilaasortatut,
- d) Atuarfimmi siulersuisuni ilaasortatut imaluunniit sunngiffimmi siunnersuisoqatigiinni,
- e) Eqqartuussisutut,
- f) Eqqartuusseqataasartutut,
- g) Eqqartuussivimmi illersuisartutut,
- h) Kommunefogeditut aammattaq,
- i) Allatut pisortanit toqqakkatut suliassaqtartitaanermi.
- j) SIK-p immikkoortortaqrifiani siulersuisunut ilaasortat imaluunniit SIK-p siulersuisuunerinut ilaasortat, SIK-p Inuusutaani siulersuisut aamma Soraarnerussutisiaqalernissamut Aningaasaateqarfik SISA-mut siulersuisunut ilaasortat.

Imm. 2. Imm. 1 naapertorlugu peqannginneq sulinngitsoornertut naatsorsuutigineqanngilaq piffissaq suliffiusoq tunngavigalugu qaangiuttoornermut akiliutigineqartussat eqqarsaatigalugit. Peqannginneq sulisitsisumut sapinngisamik siusinaartumik nalunaarutigineqassaaq.

§ 22 - Soraarnerussutisiassanut akiliutissat taakkulu akilerneqartarnerat.

Sulinermik inuussutissarsiuteqartup soraarnerussutisiassaanut akiliutigineqartut Sulinermik Inuussutissarsiuteqartut Soraarnerussutisiaqalernissamut Aningaasaateqarfiannut SISA-mut nal. akunneranut tunngaviumik aningaasarsiaaniit § 4 naapertorlugu akiliutigineqassapput.

1. april 2023-miit:

Sulisitsisumiit	13 %
<u>Sulisumiit</u>	<u>2 %</u>
Katillugit	15 %

Imm. 2. Soraarnerussutisiassanut akiliut taamaallaat sulinermik inuussutissarsiuteqartunut 18-inik ukioqalereersunut akiliutigineqassaaq aamma taamaallaat ullormiit sulinermik inuussutissarsiuteqartup 18-inik ukioqalerneraniit akissarsiai tunngavigalugit

Imm. 3. Imm. 1-imi taaneqareersut soraarnerussutisiassanut akiliutit saniatigut allanik so-raarnerussutisiassanik imaluunniit sulisitsisumit ikiuutunik pissarsiassaqaartinneqarsinnaa-titaanngilaq.

§ 23 - Aningaasaateqarfiit.

Qaammarsaanermut Ilinniartitaanermullu Aningaasaateqarfik

Nuuk Imeq A/S Qaammarsaanermut Ilinniartitaanermullu Aningaasaateqarfimmut 1. sep-tembarimi 1971-imi atuutilersumut nal. akunneranut suliffiusumut kr. 0,75-inik akiliuteqar-tassaaq.

Sulinggiffeqarnermi Angalanissamut Aningaasaateqarfik

Imm. 2. Nuuk Imeq A/S Sulinggiffeqarnermi Angalanissamut Aningaasaateqarfimmut nal. akunneranut suliffiusumut kr. 0,90-inik akiliuteqartassaaq.

Isumaginninnermut Aningaasaateqarfik

Imm. 3. Nuuk Imeq A/S Isumaginninnermut Aningaasaateqarfimmut nal. akunneranut sulif-fiusumut kr. 0,40-nik akiliuteqartassaaq.

§ 24 - Suliffimmit sulinggiffeqarallartarneq.

Suliffimmit sulinggiffeqarallarneq illuatungeriit tamatumunnga malittarisassaak akuerineqar-tut naapertorlugit suliarineqartassaaq.

§ 25 - Atisat sullisit aamma isumannaallisaanermut atortut.

Atisat sullisit il.il. suliffeqarfiup tamakkununnga malittarisassai naapertorlugit errorneqar-tassapput aamma tunniunneqarlutik.

Imm. 2. Isumannaallisaanermut atortut pisariaqartinneqartut suliffeqarfiup tamatumunnga malittarisassai naapertorlugit tunniunneqartassapput.

§ 26 - Sulisut ataatsimiittarnerat.

Sapaatit akunnerannut ataasiarluni sulisut ataatsimiitinneqartassapput 15 minutsinik sivissuseqartumik.

§ 27 - Isumaqatigiingissutit kinaassusersiortumillu soraarsitsinerit.

Isumaqatigiingissutit aaqqiagiingissutit suliarineqartarnissaannik isumaqatigiissut tunngavigalugu suliarineqartassapput.

Imm. 2. Inunnik ataasiakkaanik soraarsitsisinnaaneq atorneqaraangat tamanna kinaassusersiornermik tunngaveqartassanngilaq. Apeqqutit tamatumunnga tunngasut isumaqatigiissummi aaqqiagiingissutit suliarineqartarneranni taaneqartumi suliasanngortinneqarsinnaapput aalajangersaavigineqartussanngorlugit.

Imm. 3. Nuuk Imeq A/S-imi nal. akunnermusialinnut ukiup affaa sinnerlugu sulereersimasunut soraarsitsinerimut ataatsimiisitaliortoqassaaq. Soraarsitsinerimut Ataatsimiisitaliaq Nuuk Imeq A/S-imit marlunnik kiisalu sulisut sinniisaannik aamma taassuma sinniisusnaanik inuttaqartinneqassaaq. Ataatsimiisitaliaq sulinissaminut malittarisassiussaaq, aamma inaarutaasumik ataatsimiisitaliap aalajangiissutai Nuuk Imeq A/S-imit ilaasortaatanit aalajangiiffigineqartassapput.

§ 28 - Isumaqatigiissutit nalinginnaasut aamma protokollatit.

Nuuk Imeq A/S-ip isumaqatigiissutit nalinginnaasut aamma protokollatit matuma kinguliani allanneqartut Naalakkersuisut aamma Sulinermik Inuussutissarsiuteqartut Kattuffiata akornani isumaqatigiissutaasut sukkulluunniit atuutut akuersaarpai

1.Sulisut sinniisaat.

Malugiuk: Sulisut sinniisuata saniatigut malittarisassat assingi aamma pisinnaatitaaffiit assingusut malillugit sinniisussamik qinersisoqarsinnaammat.

2.Tunngaviusumik Isumaqatigiissut

Tunngaviusumik isumaqatigiissummi aaqqiagiinngissuteqarnermik suliaqarnermut tunngasoq.

§ 29 - Piffissaq isumaqatigiissutip atuutilerfia atorunnaarsinneqarnissaalu.

Isumaqatigiissut manna 1. april 2023-miit atuutilerpoq. Isumaqatigiissut illuatungeriinnit tamanit qaammatinik pingasunik siumut ilimasaaruteqarnikkut atorunnaarsinneqarsinnaavoq, siusinnerpaamilli 31. marsi 2024.

Imm. 2. Naak isumaqatigiissut imm. 1 tunngavigalugu atorunnaarsinneqaraluartoq isumaqatigiissut atorunnaarsinneqartoq ullup atorunnaarfimmi kingornatigut atuutissaaq, illuatungeriit arlaasa allakkatigut ullunik 14-inik siumoortumik ilimasaaruteqarluni atorunnaartitsinissaata tungaanut.

Nuuk, ulloq Marsip 1-ani 2023-mi

Sulinermik Inuussutissarsiuteqartut Kattuffiat

Nuuk Imeq A/S

Jess G. Berthelsen

Bernhard Christensen

Siulittaasoq

Pisortaq